

DISSERTATIO ACADEMICA,

DE

FIGURA NAVIS NOACHI,

GEN. VI. COM. XIV.

QUAM,

Conf. Ampl. SENAT. PHIL. In Reg. Acad. Aboëns.

PRÆSIDE

LAURENTIO O. LEFREN,

L. L. O. O. & Græcæ PROFESS. Reg. & Ordin.

PRO LAUREA

Publicæ Bonorum censuræ subjicit

JACOBUS FRID. GADOLIN,

Austro-Fenno

IN AUDITORIO MAJORI DIE XXVI JUNII

ANNO MDCCCLXXVIII.

H. A. M. C.

ABOÆ, Impressit Job. Christoph. Frenckell,

Reg. Acad. Typogr.

MONSIEUR.

JEAN HISINGER,

CONSEILLER AU COLLEGE DES MINES
CHEVALIER de l' Ordre Royale de Wafa.

MONSIEUR.

*La reconnaissance que je dois aux bienfaits sans nom-
bre, que j' ai reçus de Vous, m' ont fait prendre
la hardiesse de Vous offrir cette dissertation; trop lar-
gement paisje de mes Veilles, si elle peut Vous convain-
re des sentiments d'estime & de respect, avec les quels
je prens la liberté de me dire*

MONSIEUR

JACQUES FR. GADOLIN

*Votre tres humble & tres
obéissant serviteur*

JAQUES FR. GADOLIN



§. I.

Quamquam Summus rerum arbiter, animam humanaam nobilissima prærogativa rationis o-
primo consilio exornavit; tantum tamen ab-
est, ut totum genus nostrum huic Magistræ, uti
decet, per omnia obtemperet, ut potius deploran-
dum, quod plerique mortalium, nescio quo carmine
fascinati, haud raro ad vocem ejus prorsus obsurdescant.
Nec plebeculæ solum vitio vertenduni, quod oculo
rationis clauso, quidvis imitetur in aliis, verum latius
serpsit malum, nec ~~fa~~ niliæ quidem eruditorum pe-
percit; adeo ut & de his prædicari apte possit: si pau-
ci fuerint noluimus imitari, quum plures facere cœpe-
runt, quasi honestius frequentius sequimur; & recti a-
pud nos locum tenet error, ubi publicus factus sit. Fa-
cillimi quidem iis, qui hoc solum de seculis, ut vo-
cant barbaris, valere arbitrantur, assensum præbere
velempus, si sine dispendio veritatis fieri posset; sed
prohibent tamen antiqui fermenti reliquæ, quæ ani-
mis hominum, imprimis semi eruditorum, etiamnum
inhærent.

Quod vero antiquarum rerum amor, indeque

A

orta

orta præjudicia nondum funditus ex animis eruditorum sint eradicate, occasio nobis fuit experiundi, cum materiem dissertationis electuri, fortuito suppetret perlustrare observationes quasdam criticas, ab anonymo factas, circa versionem Sacrorum Bibliorum Svecanam, a viris de patria & gente nostra meritissimis nuper editam; ubi auctor ad §. 18. sicutineis sane argumentis impugnare conatur auctores recentis hujus versionis, quum vocem Hebrewam נבָה Gén. VI. v. 14. per Hartig, pro Arf, reddiderut. Quod vero hæc vox, notionem navis involvens, voci Hebrewæ & melius correspondeat & in ipsa re magis fundetur, in sequentibus, Tua B. L. benigna freti interpretatione prolixius demonstrare conabimur. Innoxium hoc nostrum propositum tanto minus arrogantiæ nomine venire debre putamus, quanto lalentius fatemur, illam nobis deesse facultatem, ut perspicacioribus lectoribus dignum aliquid proferre possemus. Atque hæc etiam est causa, cur singula momenta a nobis tractanda, breviter tantum proferemus & mitiori lectorum judicio subjiciemus.

§. II.

Antequam vero ad textus Hebræi explicacionem & analysis progedimur, a priori, ut dicunt, demonstrare luet, ædificium hoc notioni vocis Aræ, non correspondere, verum in ipsa re fundamentum habere notionem Navis a recentioribus adhibitam. Deus enim, qui summa gaudet Sapientia, dum Noachum, ejus familiam cæteraque anima-
lia

lia ab aquarum vastante impetu conservare voluit, non potuit non optima sapientissimaque eligere media, quibus finis hic clementissimus obtineri posset; quod sane fieri nequivisset, si supponeremus, Deum præscripsisse Noacho vehiculum quoddam construendum, quod secundum naturæ ordinem a se ipso institutum, saltem non optime fini a Deo intento inserviret. Si porro ingentem navis hujus mensuram cosideraveris, eandem ferme invenies laterum proportionem, quæ etiamnum a Naupegis, in navibus optimæ conditionis conficiendis retineri solet, tamque artificiose, ad omnes diluvii circumstantias applicate, & ad animalia conservanda apte institutam fuisse; tantamque in toto hoc opere Divino elucidere sapientiam, ut absconum sane foret statuere, ædificium hoc, Summum Sapientissimumque Architemplum auctorem agnoscens, incongruo Arcæ nomine venire posse. Possent etiam pro asserto hoc nostro, Physicæ adferri rationes, quoniam autem Philologicum sit opus nostrum, & brevitati, quantum fieri potest, studemus, eas sicco, ut dici solet, pede præterire licebit; idque eo magis, quod singula fere verba textus Hebræi, ut infra ostendemus, nostram agant caussam.

§. III.

Allatis itaque iis, quibus ex ipsius rei indole demonstravimus rationibus, aptiorem esse explicacionem vocis Hebrææ נָבָת per Farhyg, quam Ark; jam ad ea disquirenda pergamus argumenta, quæ

ex ipsa descriptione figuræ navis Noachi desumi possunt. Dum vero in hoc versamur négotio, præter usum esse nequit, textum ipsum Hebræum, adjectis præcipiis quibusdam versionibus, hic exponere. Textus originalis sic audit: וְאַשְׁר תָּעַשְׂתָּ אֶת־שָׁלֹשׁ מֵאוֹת אַמִּה אֲרֵךְ הַתְּכַחַת חֲמִשִּׁים־אַמִּה לְחַכָּה וְשָׁלֹשׁ־אַמִּים קַוְמַתָּה: עַחר תָּעַשְׂתָּ הַתְּכַחַת וְאֶל אַמִּה תִּכְלַנְתָּ: Interpretes LXX ita hunc locum translulerunt καὶ ἔτοι ποίησις τὸν κιβωτόν. Τρεισκούσιν πομπέων τὸ μῆνα τὴν κιβωτόν, καὶ ποτίσμονται πομπέων τὸ πλάτον. καὶ τρεισκούσιν πομπέων τὸ ὄψιον αὐτῆς. Επισυνάγονται ποίησις τὸν κιβωτόν, καὶ εἰς πομπέων ποτελέσσιν αὐτὸν ἀράζεν. Versio vulgata sic reddit: Et sic facies eam: Trecentorum cubitorum erit longitudo arcæ, quinquaginta cubitorum latitudo & triginta cubitorum altitudo illius. Fenestram in area facies & in cubitum consummabis, summitatem ejus. Versio Arabica in hunc sensum transluxit: Et haec est mensura, secundum quam facies illam: Trecenti cubiti longitudine ejus, quinquaginta cubiti altitudo & triginta cubiti crassitas ejus. Et fac illi lumina, & ad cubitum perficies illa a summitate: Svetice hoc modo reddi posse putamus: Måttet thertil skall vara tre-hundrade alnar i längden, femtio alnar i bredden och trettjo alnar i högden. Du skall försé det ned afhålt tak eller deck och låta thet ofwanifrån ned åt sluta sig med en alns bredd.

Postquam, ut audivimus, Noachum de mensura navis fabricandæ distinctissime erudiverat Deus O. M. nonnulla quoque adjicit vocabula, ex quibus de figura hujus operis judicium ferre licet. Huc pertinet primum vox גָּזָה, quam varii varie, ut ex vulgaris-

garibus versionibus constat, interpretari solent. Nobis svtice ashalt deck, vel tak, tectum convexum quod denotat, interpretari placuit. Hæc interpretatio i-
deo displicet critico, cujus §. I. mentionem feci-
mus, quod vox deck sit Germanica, nec aliis fere
nota, quam nautis & iis, qui locis habitant mariti-
mis. Hæc quam levis sit observatio, non opus est,
ut multis ostendamus. Primum quidem lingua no-
stra non habet aliud vocabulum, quod rem rectius
exprimat. Nomen enim tq̄ nemo, Svtice loquens,
adhibet, ubi de navi sermo est, contra vero nomen.
deck adhibent omnes. Hanc adpellationem solis nau-
tis marisque incolis notam esse, gratis adserit. Et
si vel maxime verum esset quod contendit, ideo
tamen vulgo receptum terminum technicum non
magis in gratiam hominum continentem incolen-
tium mutare liceret, quam in gratiam priorum mu-
tare licet eos terminos, qui res illis forte minus
cognitas denotent. Sed hæc ḥr̄ in παρέδω. De ipsa
notione nominis רַחֲנָה gravior est quaestio. Mirum
sane est, quam varie illud reddant interpretes, quo-
rum alii fenestram, alii lumen exponunt, alii rem
quandam lucidam. Cl. Dickinsonus in Physica V. &
N. Testamenti, spiritum fuisse opinatur oleofæ natu-
ræ, fragrantem & undique instar solis lucentem, a No-
cho artificiis Chemicis confectum. Judæorum non-
nulli lapidem fuisse sciscunt pretiosum phosphorescentem.
Utraque hæc opinio, solido destituitur fundamento
& ad conjecturas precarias referenda est. Fenestram
eo minus significare potest, quo certius constat,
hanc Hebræis dici רַחֲנָה, hocque nomen de ipsa hac

๖

navi adhiberi Gen. Cap. VIII. com. VII. quamvis ne
hoc quidem præcise fenestram, sed aliam quandam
aperturam, eam forte, quam Sveci Lucka adpellant,
significare videatur. *Lumen* eatenūs significare po-
test, quatenus verbum זָהָר ortum dedit nomini
זָהָרִים, quod meridiem valet, ipsiqui adeo radici
potestas splendendi a multis subjici solet. Sed זָהָר
ideo revera lumen significare, est conjectura idoneo
destituta fundamento, quod facile ostendi posset, si
per angustiam temporis liceret. Interea indirecte
ostenderetur ex veriori vocis significatione, quam nunc
evolutam atque adstructam dare conabimur.

§. IV

Finis hujus navis, necessitatem tecti extra con-
troversiam ponit. Tecta navium convexa esse &
debre & solere, pariter certum est. Quod si igit-
ter nomen זָהָר hujusmodi significationem tueri, ad-
struxerimus, eamque circumstantiæ textus non tam
admittant, quam requirant, nonne hæc ceteris o-
mnibus præferenda videbitur? זָהָר Hebræis olim dor-
sum significasse, ex Arabismo colligere licet. Ara-
bibus enim dorsum significat levissima permutatione
litterarum ejusdem organi *Da* & *Dad* vel *Zad*, quam
frequentissimam esse, innumeris exemplis probari
potest. Monuisse sufficiat in ipsa voce זָהָר, me-
ridies, eandem occurrere permutationem. Hanc
enim vocem in eadem significatione usurpant Ara-
bes, sed *Da* aut *Ta* loco *Dad* aut *Zad*, posito. De
tectis vocem זָהָר usurpari, etiam ex Arabismo con-
stat.

stat. Quid? quod **רָאשׁ** apud Arabes sine ulla litterarum permutatione de testudine adhibitum, notet dorsum animalis seu tectum ejus convexum. Est enim dorsum testudinis gibbosum. Quemadmodum igitur **בְּ** Hebrais & **νῶς** Græcis, & dorsum & tectum denotant, ita nihil obstat, quominus idem de voce **רָאשׁ** adfirmari possit. Tale quid etiam lingvam Svecanam adgnoscere, argumento esse possunt nomina **ryggås**, **äferrygg**, **bergstrygg**, quæ singula aliquid convexi, gibbosæ & culminati involvunt. Hinc **רָאשׁ** Cel. Alb. Schultensius dorsationem interpretatur & **הַרְיָם** ideo meridiem dici colligit, quod sol tunc culminat seu in ipso quasi dorso coeli versatur. Hinc Arabibus **צָהָר** dorsare dicuntur sidera, cum culminant: unde deinceps prognata est significatio ex alto prospiciendi, item clarum, lucidum & conspicuum esse. Ideo vero convexa sunt tecta navium, ut imbres incidentes eo facilius defluant. Quis credat, summum Architectum tam necessariam neglexisse circumstantiam, cum Noachum, artis imperitum, de prima navi ædificanda instituere vellet? Ego certe non credo.

§. V.

Quamvis autem, ut ex modo dictis potet, **צָהָר** tectum navis Noachi significet, idque vi vocis dorsatum seu convexum, hanc tamen proprietatem cum viris quibusdam doctis ex adjecta formula **תְּכִלְבָתָן** **תְּכִלְבָתָן** ad cubitum perficies illam, probari, non existimamus. His enim verbis figuram navis inferne contra-

contractam describi putamus. Quum enim genus
 vocis נָזֵר ideo latet, quod nusquam nisi hoc loco
 legatur, justo audacius agunt, qui eam pro fœminina,
 nullo idoneo nixi fundamento venditant, ut suffixo
 fœminino in תְּלִנָה respondere queat. Tutius & re-
 ctius ad nomen נָזֵר, quod ὄμολογησάτως fœminini
 generis est, nobis referendum videtur dictum modo
 suffixum. Quum Noachus ex sola voce נָזֵר satis
 intelligere posset, qualis superne esse deberet figura
 navis, quam ædificare jubebatur, nihil vero, præ-
 ter hanc formulam, contineat descriptio operis, ex
 quo scire posset, qualis ejusdem figura inferne esse
 deberet, hanc, allata formula eo certius insinuari
 judicamus, quo majorem in Magistro scientiam &
 in Discipulo imperitiam artis Architectonicæ fuisse,
 merito concipimus. Nostro igitur judicio sensus
 formulæ hic est: *Ip̄sam navim hoc modo confieies, ut*
quæ superne quinquaginta cubitis lata est; paulatim u-
trinque in angustius cogatur, donec desinat in carinam,
quæ unum duntaxat cubitum lata sit. Hanc sententi-
 am probaturi, non tam provocamus ad auctoritatem
 Rabbi Judæ, qui hanc navim, æque ac hodiernas,
 non tantum superne, sed inferne etiam acuminatam fui-
 se asserit, quam ad ipsam verborum naturam, quæ
 nunc paucis excutietur. Verbum כָּל, ut singula do-
 cent Lexica & varia scripturæ exempla confirmant,
 inter alia etiam significat, *absumi, consumi, finiri,*
deficere. Hinc in Pihel valet *crebris, repetitisque vi-*
cibus efficere, ut res deficiat. Cumque vox כָּל, cu-
 bitus terminum ponat, ultra quem progressivus ille
 defec̄is continuari non deberet, relinquitur, quod
 dixi.

๖) ۹ (۳۱

diximus? debuisse navim continuo magis magisque
coarctari, donec in memoratam modo latitudinem
desineret. Idem ulterius probat vox **הַלְמָד**, qua cum
hoc verbum construitur. Radix hujus vocis **עַלְהָ** **e-**
minendi & increscendi notiones tuetur. Littera **ו** ra-
dicalibus præmissa, inter alia, *nominia locorum* format.
Hinc **הַלְמָד** locum altum denotat, & hic illam partem
navis, quæ altissima & latissima erat, ubi incipere
debebat eoarctatio. Hinc addito præfixo, **ל**, **הַלְמָד**
sursum significat, h. e. versus partem superiorem, Eccl.
III. 21. Et. VII. 11 Prov. XV. 24. &c. Quod deinceps
præponitur **ו**, id proprie valere *a*, *ah*, *e*, *ex*, *de*,
notissimum est. Hinc tota formula **הַכְלָנָה** מִלְמָעָה significat:
inde a loco summo vel parte summa eam
deficere facies. i. e. contrahes. Hunc sensum tenuerunt
LXX interpretes, qui hoc modo hanc formu-
lam circumlocuti sunt: επισυράγως πηγαίς τὴν καθωτο-
ρεῖσαν πηγαίς συντελέστερα ἀντὶν ἀναδεῖ, contrahendo facies
arcam & ad cubitum finies eam superne. Svetice: När
tu gör arken, skalt tu draga ihop henne och låta
Henne ofwan ifrån ned åt, sluta sig med en alns
bredd. Quod hujus figuræ sit ædificium, utrum id
rectius *navis*, an vero *arcæ* nomine insigniri debeat
ne in quæstionem quidem amplius venire potest. At-
que ita breviter quidem? sed sufficienter tamen de-
functi sumus negotio, quod nobis faciendum suscep-
pimus. Quod vero auctores novi Speciminis versio-
nis Geneseos Svecanæ, Farfng, quam Skepp trans-
ferre maluerint, id prudentissime ab iis factum esse
existimo. Præterquam enim quod omne genus navi-
um Sveticæ loquentibus integrum sit generali nomine

Farthg adpellare, aliquid certe incommodi tibi occurret, quodcunque nomen specialius hic adhibueris. Quatenus enim navis Noachi tecto instructa erat & ingentem habebat magnitudinem, eatenus h̄at, quod Scapham valet, dici non potuit. Quominus vero Ark seu arca adpellari possit, variae intercedunt causæ. Præterquam enim quod hoc nomen *figura* non convenit, etiam illud habet incommodi, quod in plerisque Speciæ provinciis, partim *obsoletum* sit, partim insolis hæreat *capsulis*; quæ particulam quandam minimam arcarum constituunt, ut nihil de eo dicam, quod exoticæ sit originis, quæ in voce *decks* critico nostro, noscio quam anribus offensionem adulit. Słepp quidem haud incommodo nominari potuissit, sed & hoc nomen generale est, plura genera navium comprehendens, & insuper, ni fallor, hoc etiam requirit, ut adsint mali, antennæ, rostra, vela, & id genus alia, quibus omnibus ædificium Noachicum destituebatur. Quod vero criticus nomen Farthg ex eo capite rejicit, quod profectionis significationem involvit, & Noacho nuspian necesse fuit proficisci, id adeo infictum est, ut ne dignum quidem videatur refutatione. Quasi vero fieri posset, ut uno in loco hæreret navis, quam irata natura ventis & undis undique furentibus, in omnes partes indesinenter propelleret. Prius igitur capere quam carpere discant inepte seduli critici & suam potius famam solida doctrina augere, quam alienam ineptis cavillis minuere. Sed manum de tabula.

